



## Statens vegvesen

ARKOCONSULT AS  
Postboks 103  
5291 VALESTRANDSFOSEN

Behandlande eining:  
Region vest

Sakshandsamar/telefon:  
Marianne Skulstad / 55516253

Vår referanse:  
19/273536-2

Dykkar referanse:

Vår dato:  
05.11.2019

### Uttale til oppstart av detaljregulering for Holme, gnr. 10 bnr. 39, m.fl., – Meland kommune – PlanID: 125620160007

Vi syner til varsel om oppstart på arbeid med detaljregulering for Holme, gnr. 10 bnr. 39 m.fl. i Meland kommune.

#### Vår rolle

Statens vegvesen sitt ansvar i planarbeidet er først og fremst knytt til arealbruken langs riks- og fylkesveg. Vi har også ansvar for at føringar i Nasjonal transportplan (NTP), statlege planretningslinjer for samordna bustad-, areal- og transportplanlegging, vegnormalane og andre nasjonale og regionale arealpolitiske føringar vert ivaretekne i planlegginga. Til denne planen uttalar vi oss som forvaltar av fylkesveg på vegne av fylkeskommunen og som statleg fagstyresmakt med sektoransvar innanfor vegtransport.

#### Generelt

Statens vegvesen bed generelt om at følgjande tema blir tekne omsyn til i reguleringsprosessar:

- Dei trafikale konsekvensane av utbygginga som vert planlagt
- Plassering og utforming av naudsynte tiltak knytt til riksveg/fylkesveg (kryss, avkjørslar, busslommer, tilbod til mjuke trafikantar m.m.)
- Tilhøva for mjuke trafikantar mellom varsla planområde og nærliggjande målpunkt (t.d. busshaldeplassar, skule m.m.)
- Byggegrenser til riksveg/fylkesveg
- Tiltaket sine konsekvensar for vegtrafikken i bygge- og anleggsfasen, med særleg fokus på mjuke trafikantar
- Vegtrafikkstøy
- Tekniske vegteikningar i samsvar med Statens vegvesen sine handbøker

Postadresse  
Statens vegvesen  
Region vest  
Postboks 43  
6861 LEIKANGER

Telefon: 22 07 30 00  
firmapost-vest@vegvesen.no  
Org.nr: 971032081

Kontoradresse  
Nygårdsgaten 112  
5008 BERGEN

Fakturaadresse  
Statens vegvesen  
Regnskap  
Postboks 702  
9815 Vadsø

Uttale til oppstartsmelding er ikkje uttømmande, og konsulent skal i planarbeidet gjere vurderingar knytt til kryss/avkjørsler, trafikktryggleik m.m.

### **Planstatus**

Planområdet er sett av til bustadføremål i kommuneplanens arealdel (KPA), del av område B10. I tillegg ligg område BN\_1 innanfor plangrensa.

Det går fram av KPA føresegn 1.5.4 at det ikkje kan gjevast bruksløyve før fortau/bilfri gang- og sykkelveg til næraste skule er opparbeidd. Meland kommune byggjer no fortau langs del av fv. 247 Melandsvegen, i samband med nytt VA-nett langs vegen. Fortauet vert bygd utan reguleringsplan, og vi ber difor om at veg og fortau vert regulert i planarbeidet for Holme. Handbok N100 må leggjast til grunn for planarbeidet. Fråvik frå vegnormalen skal grunnjevast, og må vere godkjent før planen kan vedtakast.

I referat frå oppstartsmøte legg kommunen til grunn at kommuneplanen med føresegner og rekkefølgjekrav vert førande for planarbeidet, og at reguleringsplanen difor vil vere i samsvar med overordna føringar.

### **Plangrense**

Statens vegvesen ber om at plangrensa vert utvida opp til barnehagen, for å sikre tilstrekkeleg areal til fortauet og annan veggrunn.

Vidare ber vi om at plangrensa tek med vegen i søraustre del, langs gbnr. 10/228. Denne strekninga er regulert i reguleringsplan for Holme forretningsområde, men det er naturleg å vurdere vegen og avkøyrsla på nytt når ein regulerer arealet innanfor (BN\_1).

### **Trafikktryggleik**

Statens vegvesen ber om at ein i planarbeidet legg vekt på sikre tilhøve for mjuke trafikantar. Av den grunn ber vi om at ein må regulere fortau på strekninga frå Blålokka barnehage til Holme forretningsområde. Vidare må ein leggje vekt på trafikktrygge løysingar internt i bustadområdet.

### **Støy**

Vi gjer merksam på at dersom det vert planlagt nye bustader i gul støysone, skal kommunen krevje at det vert utarbeida ei støyfagleg utgreiing saman med planframlegget, jamfør retningslina for handsaming av støy i arealplanlegging (T-1442/2012). Vi gjer særleg merksam på støyretningslina sine krav knytt til støynivå på uteopphaldsareal og på fasade (stille side).

Vi ber om at avklaringar knytt til vegstandard og tekniske løysingar vert gjort med vegmynde før offentleg ettersyn, for å sikre semje om planforslaget. Frå januar 2020 vil det vere Vestland fylkeskommune som forvaltar fylkesvegen.

Vi ønskjer lukke til med planarbeidet.

Plan og forvaltning Bergen  
Med helsing

Sindre Lillebø  
seksjonssjef

Marianne Skulstad  
senioringeniør

*Dokumentet er godkjent elektronisk og har difor ingen handskrivne signaturar.*

Kopi  
MELAND KOMMUNE, Postboks 79, 5906 FREKHAUG